



**Raajarniarnermi qalunut ristit atorneqartartut susassaqtartut peqatigalugit nalilersuiffiqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Tassani raajarniarnerup inuussutissarsiutaanerata pitsanngorsarnissaa piujuaannartitsinerlu ataavartumik ingerlanneqarnissaa siunertaallutik.**

(Inatsisartunut ilaasortaq Saxtorph Didriksen, Siumut)

(Siullermeenera)

Raajarniarnermi immikkoortiterussutit aalisakkat suffisarneranni illersuutaapput nutaalamillu raajarniarluni kilisannermi tamanna pitsanngoriaataavoq annertoq. Aamma raajanut immikkoortiterissutit piumasaqaataapput MSC naapertorlugu akuersissummik pissagaanni.

Raajanut immikkoortiterissutit iluamik ingerlanersut pillugit apeqqut oqaaseqarfigissanngilarput immikkut ilisimasaqannginnerput pissutigalugu. Ilisimagatsiguli ukiuni makkunani raajanik kilisannermi ineriartortitsisoqartoq isumaqarpugut piffissaanngikkallartoq nalilersuinissamut maannakkut ajornartorsiutaasut qalunik nutaanik atuinerup iluarsisinnaappagu.

Paarlattuanik isumaqarpugut nunatut isiginerusariaqaripput aalisarnerup ineriartortinnerunissaa. Ilisimaneqarpoq aalisarnermi atortut nutaat qaqqittakkanut annertuumik sunniuteqarsinnaasartut. Assersuutigalugu Alaskami manerassuup nataarnai pisarineqartartut marloriaatinngornikuupput oqummersat ammalortut atorneqalermata oqummersat J-tut ilusillit atorunnaarlugit. Aalisarnermik ingerlatalinnut pingaaruteqarpoq ineriartornerit taamaattut ilisimassallugit ataavartumik pitsanngorsaasoqaqqullugu.

Kalaallit Nunaannili aalisarnermut atortunik ineriartortitsiveqanngilagut. Aamma aalisarnerup sunniutai naammattumik ilisimatusarfigineqanngillat naak tamanna ukiuni kingullerni pitsanngoriaallannikuugaluartoq. Pineqartut tamarmik aalisarnermik pitsanngorsaataasinnaagaluarpud ersersillugulu nunatut aalisagaatigut qanoq



iluaqutiginerusinnaaneriġut. Oqartuarpugut paasissutissat annertuut tunngavigalugit aalajangiisarusulluta. Uani tunngavik pineqartoq paasisaqarfiginerorusunnarsinnaavoq.

Taamatut oqaaseqarluta Demokraatini siunnersuut Inatsisartut Aalisarnermut, Piniarnermut Nunalerinermullu Ataatsimiititaliaanut innersuupparput.